



**R. P. Valerii Reginaldi Bvrgvndi Seqvani E Societ: Iesv,  
Praxis Fori Poenitentialis**

Ad Directionem Confessarii, In Vsv Sacri sui muneris ...

**Regnault, Valère <1543-1623>**

**Mogvntiæ, 1617**

Cap. 8. De efficiente causa Sacramenti matrimonii,

---

[urn:nbn:de:hbz:466:1-78477](#)

tunc temporis ea de re tractabatur, unde conicitur probabilitas, talia Verba ex consensu in illam, prolati fuisse; ita, ut accipi debent non quidem in sensu conditionali, sed in sensu exceptivo: sicut cum dicitur: Nullus adfuit nisi, aut quam, aut praterquam Petrus; sensus enim est, Petrum adfuisse, ceteros vero omnes abfuisse.

## C A P. V I I L

## De efficiente causa Sacramenti matrimoni.

## S V M M A R I V M.

- 52 Causa efficiens principalis sacramenti matrimoni est Deus: & secundaria coniuges.  
 53 Modus quo conficitur matrimoni sacramentum.  
 54 Solutio obiectorum quibus impugnatur, quod coniuges dicuntur causa efficiens sacramenti matrimoni.  
 55 Ritus, quibus Ecclesia in nuptiis vittur.  
 56 Quodam notanda de nupiarum benedictione.

**Q**uo d principalis causa efficiens sacramenti matrimonij sit Deus, constat tum per illud Matth. 19. Quod ergo Deus coniuxit homo non separat: tum per rationem sacramentis omnibus communem, quam proposuimus lib. 26. initio 5. cap. De causa vero secundaria, & ministeriali, seu de ministro: id quod Canus lib. 8. de locis Theologicis cap. 5. senit esse Sacerdotem sacris & solemnibus verbis coniuges benedicentes, refutatur bene à Bellarm. in lib. De matrim. cap. 6. 7. & 8. & à Thoma Sanchez, in lib. 2. disp. 6. Recepta vero sententia est, contrahentes esse huius sacramenti ministros, illud sibi mutuo conferentes; vir quidem mulieri dicendo: Accipio te in meum: mulier autem viro viceissim dicendo: Accipio te in meum: haec probatur efficacissime per definitionem Concilij Florentini in instructione Armenorum; que habet efficientem caufam matrimoni regulariter, esse mutuum consensum, per verba de praesenti expressum.

Vnde sequitur matrimoni sacramentum confici prolongatione verborum, quibus coniuges consensum suum mutuum exprimit: proindeque eos esse eiusdem sacramenti ministros: cum sacramentum non aliter perficiatur a ministro, quam applicatione verborum ad elementum, tanquam forma ad materiam iuxta antedicta in lib. 26. cap. 3. Accedit quod in noua lege Christus non mutuerit matrimoni naturam: sed tantum eleuauerit ad esse sacramenti, prout Concilium Trident. sess. 24. in initio latis indicavit, dicens à Christo approbatum esse coniugium in statu innocentia institutum: & ab eodem Christo, sacramentorum institutore, ipsi matrimonio adiunctam esse gratiam qua naturaliter coniugum amorem perficeret, & indissolubilem unitatem confirmaret, coniugesque sanctificaret. Et cum matrimonium in lege Evangelica veteribus connubis per Christum gratiam praestet, merito inter noua legis sacramenta censeri annuerendum. Iam vero de natura matrimoni est, ut sit contractus, adeoque aliorum contra dictum naturam sequatur: que est ut contrahentes se suis consensibus exterius expressis ligent: neque alii quam ipsi, efficiant contractum. Accedit etiam, quod ex Concil. Trident. in ead. sess. cap. 1. matrimonium clandestinum: seu quod soli contrahentes inter se celebrant, verum ac ratum matrimonium sit, quamdiu Ecclesia illud non facit irritum: vnde satis intelligitur concursus Sacerdotis non esse de essentia matrimonij: atque adeo quod ibidem Concilium ad matrimonium presentiam Parochi requirit; non esse, quod ex ea Christi institutione sit necessaria tanquam essentialis: sed quod Ecclesia pro potestate accepta a Christo, talem presentiam constituit conditionem, ita de cetero necessariam ad matrimonium, ut nolit ipsum absque ea amplius valere.

Sed obiici potest primo, Collationem sacramenti matrimoni: cum sit actio sacra, requirere personam sacram, à qua perficiatur: quales non sunt coniuges. Respondendum est, quod sicut latice concessum est, ut necessitate urgente, posse baptizatum conferre: sic etiam eisdem concedi sacramenti matrimoni collationem: nam quia ipsum est à Christo institutum in quodam contractu, nec contractus potest

fiari nisi per contrahentium consensus: de necessitate fuit ut per coniuges contrahentes perficeretur.

Obiici potest secundo, Concil. Trident. in cit. cap. 1. precepere, vt Parochus mutuo contrahentium consensu intellecto dicat: Ego vos in matrimonio coniungo In nomine Patris, & Filii, & Spiritus Sancti: quae verba ne falsa sint coniunctionis coniugum, seu matrimoni, Sacerdos debet esse causa efficientis. Ad quod Sanchez in fine citata dispus. 6. respondet: illorum verborum, Ego vos coniungo: sensum esse, coniunctos vos esse declaro; vel approbo coniunctionem vestram. Ex qua doctrina sequitur, quod idem auctor ibidem num. 5. ex aliis habet: Sacerdotem cuius mortalium reum non peccare mortaliter assistendo matrimonio: quia non configit illud, neque benedictio quam facit, sacramentum est, sed tantum sacramentale seu ceremonia pertinens ad Ecclesiasticum ritum celebrandi matrimonium.

Cuius ritus summa haec est, que taliter in cap. Nostrae, 30. quæst. quinta, & à Gregor. à Valen. disput. 10. quæst. 1. puncto 6. sub finem, traditur his verbis. Sicut Adam & Eva à Deo benedicti fuerunt Genes. 1. ita in Ecclesia à Sacerdotibus benedicuntur. Cuius benedictionis meminit Innocentius primus in Epist. ad Venerabilem cap. 6. Item commendatur coniugium illorum Deo precibus & oblatione Eucharistie. Cuius oblationis meminit quoq; Tertul. lib. 2. ad uxorem. Præterea vel obnubuntur in signum pudoris. Cuius ritus meminit D. Ambros. epist. 79. & lib. 1. De Abraham cap. 7. Item ad significandam munditiam vita, & posterioritatem sanguinis, copulantur vita, candido & purpureo colore permixta. Item annulum sponsis sponsi dat in signum & pignus mutuae fidei & dilectionis ex Id. lib. 2. De officiis Ecclesiæ, cap. 19. De coniugatis. Deinde monentur offici. De quo te scritum generi Concil. Trid. sess. 24. can. 11. sic statuit, vt anathemati subiiciat eum, qui damnauerit benedictiones & ceremonias, quibus Ecclesia in nuptiis vittur: vt & eum qui dixerit prohibitionem solemnitatis nuptiarum certis anni temporibus, superstitionem esse tyrannicam. De quibus temporibus, in eadem sess. cap. 10. Dereform. matrimonij sic habetur: Ab aduentu Domini nostri Iesu Christi, usque ad diem Epiphaniæ, & à feria quarta Cinerum usque ad octauam Patras incluside, antiquas solemnium nuptiarum prohibitions diligenter ab omnibus obseruari sancta Synodus præcipit.

Nota obiter, quod licet secundæ nuptiæ licet sint ex cap. Aperiant, & duob. seq. 3. quæst. 1. veteri tam earum benedictionem in cap. Vir autem, De secund. nupt. Ita vt Sacerdos eas benedicens puniendus sit suspensione ab officio & beneficio, ex cap. 1. eod. tit. lo. De quo & legendus est Nuar. in Enchir. cap. 22. num. 83. § 35. Nota etiam obiter liceat mulieri sine infamia metu, intra tempus luctus, seu intra annum à morte mariti secundas nuptias inire: ex cap. penult. & ultimo De secundis nuptiis. Nota denique Sacerdotem benedicentem nuptias, debere esse Parochum contrahentium: non autem alium, nisi dominus aut proprii Episcopi licentia ex Concilio Trident. sess. 24. cap. 1. Dereform. matrimonij. De poena quæ incurritur a peccante in eo, vide in sequen. lib. tract. 2. num. 67. circa medium:

## C A P V T I X.

## De fine matrimoni.

## S V M M A R I V M.

- 57 Varij fines matrimoni.  
 58 Triplic bonum matrimoni, quo triplice eiusdem derrimatum compensatur.  
 59 Matrimonium quocumq; fine contractum, est validum, si substantia seruerit in eo: alias non: vt si intendatur finis excludens consensum.  
 60 Aut finis repugnans matrimonij indissolubilitati aut excludens obligationem reddendi debitum, aut seruandi fidem, aut educandi suscepit problem.  
 61 Intentio non implendi talem obligacionem, de se non reddit matrimonion invalidum.